



Ikamva-Ukunonophela
abantwana bethu

Isiqinisekiso 1

Isihloko sesifundo: linkonzo ezikhethekileyo enyakeni

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiqinisekiso esithi **“linkonzo ezikhethekileyo enyakeni”**

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neependulo, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela • ICatechism nakwiCatechism kwimiBuzo neMpendulo (ngokukhethekileyo kwisiqinisekiso) Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasi ngaye (Isiqinisekiso 1). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amangaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana (Nam Ndiyafuna uku...)
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiqinisekison 1.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	Iinkonzo ezikhethekileyo enyakeni
Imibhalo yeBhayibhile	Akukho Sifundo seBhayibhile kwesi Sifundo
Injongo yesifundo	Abaqinisekiswa bafumana ukujonga ngokubanzi iiholide kunye neenkono ezikhethekileyo ezibhiyozelwa ngamaKristu obuPostile obuTsha kwisithuba sonyaka.

Isishwankathelo sesifundo:

Iiholide zikarhulumente kunye neeholide zamaKristu:

- Iintsuku zesikhumbuzo zikarhulumente kunye neeholide zibhiyozelwa ukukhumbula imisitho ebalulekileyo elizweni. Kwilizwe lethu umzekelo sibhiyozela uSuku lwamaLungelo oLuntu ngomhla wama 22 kuMatshi nosuku loLutsha ngomhla we 16 kuJuni.
- Iiholide zeCawa okanye iiholide zamaKrestu zibhiyozelwa njengezikhumbuzo zeziganeko ezibalulekileyo ebomini bukaYesu Krestu kwaye zinxibelelene ngqo necebo lososindiso lukaThixo. Le mibhiyozo yamaKristu ibaluleke kakhulu kukholo lwethu kwaye yomeleza ukukholelwa kwethu ekusindisweni kwethu nasekubuyeni kukaKristu.

Ezi holide zilandelayo zijongwa njengemisitho yecawa:

- **IKrismesi** – siyela ukuzalwa kukaYesu, esona sipho sethu sikhulu kunazo zonke. Esi sikhumbuzo sokuza kokuqala koNyana kaThixo someleza ukholo lwethu ekubuyeni kwakhe. Umsitho wokupha.
- **ICawa yamaSundu** (iCawa ephambi kwePasika) - ICawa yamaSundu iphawulwa ukuqala kweVeki yePasika. Ukungena kukaYesu eYerusalem.
- **ULwesihlanu oLungileyo** - ukukhunjulwa kokubethelelwa emnqamlezweni kunye nokufa kukaYesu Krestu ngenxa yosindiso loluntu.
- **IPasika** - sisikhumbuzo sokuvuka kukaKrestu ekufeni.
- **Usuku Lokunyuka** - Iintsuku ezingamashumi amane (40) emva kwePasika uYesu wanyuswa wasiwa ezulwini ngelifu.
- **IPentekoste** (iCawa yesixhenxe emva kwePasika) - uYesu wathembisa ukuba uyakuthumela uMoya oyiNgcwele sazaliseka kwiintsuku ezingama-50 emva kokuvuka kwaKhe. Olu suku lukwabizwa ngokuba lusuku lokuzalwa kwebandla likaKristu. INTloko yabaPostile ihambisa isifundo esikhethekileyo seBhayibhile kubantu bakaThixo ngalo mhla. Ilizwi leBhayibhile lika 2020 laliku 2 kwabaseKorinte 3:17.



IPasika ikumhla owahlukileyo minyaka le - isidlo esinakubakho nangwuphina umhla. Ibhiyozelwa kwiCawe yokuqala elandela inyanga yokuqala egcweleyo kwiNtlakohlaza (eMantla elkhweyitha) okanye inyanga yokuqala epheleleyo eKwindla (kwilizwe laseMazantsi).

Iinkonzo ezikhethekileyo zobngcwalisa:

- **Ukulindela** - Eli lixesha lokulinda nokulungiselela umsitho apho kubhiyozelwa ukuzalwa kukaYesu. IiCawa ezine ngaphambi kweKrisimesi ziiCawa zokulindela (Advent.)
- **IiNkonzo zobuNgcwalisa zabangasekhoyo** zibaluleke kakhulu kwicawa yethu. Zenzeka kathathu ngonyaka kwaye rhoqo ngeCawa yokuqala yenyanga kaMatshi, uJulayi nangoNovemba.
- **Umbulelo** (ICawa yokuqala kuOkthobha) - yinkonzo yobungcwalisa apho sibonisa umbulelo ngokuthembeka kukaThixo kwindalo yakhe. Siyabizwa ukuba sizise imbulelo okhethekileyo.
- **Usuku oluphami koNyaka oMtsha** nge-31 kaDisemba - elibhiyozelwa ngeCawe yokugqibela kweyoMnga.
- **Usuku loNyaka oMtsha** (1 kuJanuwari okanye ngeCawe yokuqala yonyaka) – INTloko yethu yabaPostile inika isifundo seBhayibhile senkonzo yoNyaka oMtsha kwaye ibhengeza umxholo / umxholo wonyaka omtsha.

Sithetha ukuthini esi sifundo kuthi namhlanje?

- Iholide zebandla kunye nomsitho zibhiyozelwa ukukhumbula iziganeko zobomi bukaYesu kwaye zibalulekile elukholweni lwethu.
- Ukukhunjulwa kwezi ziganeko kusikhumbuza ngobomi bukaYesu kunye nombingelelo waKhe kwaye zomeleza inkolelo yethu ekubuyeni kwaKhe.



Eminye imibuzo esinokuyibuza:

1. IPasika ikumhla owahlukileyo minyaka le. Umiselwa njani lo mhla?

Impendulo: IPasika ibhiyozelwa ngeCawa yokuqala emva kwenyanga yokuqala epheleleyo emva kweNtwasahlobo (kumaNtla wiNtla eHlabathi) okanye Ekwindla (kuMazantsi eHlabathi)

2. Uthini umxholo wethu wonyaka ka 2021?

Impendulo: UKrestu, ikamva lethu!

3. Yintoni ixesha lokulindela kwaye lithatha ixesha elingakanani?

Impendulo: Lixesha lokulinda nokulungiselela umsitho ekubhiyozelwa ngawo ukuzalwa kukaYesu. Ixesha lokulinda ziiCawa ezine phambi kweKrisimesi.

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen